

Tu tuum nomen, decus, atque laudes  
 Porrigis, primo radios ab ortu  
 Qua vehit Phæbus celeri rotatu ad  
 Littora Calpes.

Et tibi debet studiosa summum  
 Turba quaesituum meritis favorem:  
 Quam manu docta, et calami magistra  
 Arte beasti.

Sic placent gnavo facies labore  
 Principum pictæ, quibus italorum  
 Paruit quondam regio, simulque  
 Dorica tellus.

Sic juvat, quorum veneramur artes,  
 Dogma, virtutem, pia gesta, vitam,  
 Gratiam, roburque, scientiamque,  
 Cernere vultus.

Vivida quos sic oculis figura  
 Subiicis nostris, proprioque gestu,  
 Ut putet quivis ea signa veram  
 Ducere vitam.

Gratiam sæclis tibi sic futuris  
 Adstruis: qua qui valuit potiri,  
 Dicier credo hunc potuisse ab omni  
 Parte beatum.